



A.nr.457/2026

Këshilli i Pavarur Mbikëqyrës për Shërbimin Civil të Kosovës–Kolegji për Shqyrtimin dhe Vendosjen e Ankesave në përbërje nga: Arben Mehmeti, kryetar, Malsore Gashi Bajraktari dhe Eshref Shabani, anëtarë, me Avdyl Bekteshi, në cilësinë e procesmbajtësit, në procedurën sipas ankesës A.nr.457/2026, të datës, 21.04.2026, të parashtruar nga ankuesi R.G, nga Prishtina, kundër organit të punësimit: Ministrisë së Punëve të Brendshme, në çështjen juridike “*kompensim material*”, duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.7 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës i ndryshuar dhe plotësuar me Ligjin Nr.08/L-180 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, me datë 20.05.2026, mori këtë:

V E N D I M

Hedhet poshtë si e parakohshme ankesa A.nr.457/2026, e datës 21.04.2026, e parashtruar nga ankuesi R.G.

A r s y e t i m

Ankuesi R.G (*tani e tutje referuar si ankuesi*), më datë 21.04.2025, ka parashtruar ankesë në Këshillin e Pavarur Mbikëqyrës për Shërbimin Civil të Kosovës, kundër mos pagesës së ditëve të pashfrytëzuara të pushimit vjetor.

Këshilli i Pavarur Mbikëqyrës për Shërbimin Civil të Kosovës, bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave, me datë 28.04.2026, ka proceduar kërkesën për përgjigje në ankesë te Ministria e Punëve të Brendshme, ndërsa, kjo e fundit, me datë 14.05.2026, ka përcjell përgjigjen në ankesë se bashku me shkresat referuar çështjes në procedurë.

Kolegji për Shqyrtimin dhe Vendosjen e Ankesave, pas shqyrtimit të gjitha shkresave të lëndës të parashtruara nga palët në procedurë, ka konstatuar se ankesa e ankuesit, është e parakohshme, *sepse*:

Nga administrimi i shkresave të lëndës të ofruara nga palët në procedurë, Kolegji i Këshillit konstatoi se ankuesi ka qenë i punësuar në Ministrinë e Punëve të Brendshme, në pozitën Nëpunës i Pranimit të Mallit, mirëpo sipas Vendimit me Nr. 451/2026 të datës 05.03.2026, të Sekretarit të Përgjithshëm të Ministrisë së Punëve të Brendshme i ka përfunduar marrëdhënia e punës për shkak të arritjes së moshës së pensionimit më datë 20.03.2026.

Ankuesi, me datë 13.03.2026, i është drejtuar Sekretarit të Përgjithshëm të Ministrisë së Punëve të Brendshme, me kërkesë për kompensim të ditëve të pashfrytëzuara të pushimit vjetor, gjegjësisht 24 ditëve të vitit 2025-2026.

Ankuesi më datë 21.04.2026, ka parashtruar ankesë në Këshillin e Pavarur Mbikëqyrës për Shërbimin Civil të Kosovës, duke pretenduar se sipas Ligjit Nr. 03/L-212 të Punës, i takon kompensimi monetar i ditëve të pushfrytëzuara të pushimit vjetor për shkak të refuzimit të pushimit. Kërkon të aprovohet ankesa dhe të detyrohet Ministria e Punëve të Brendshme që të bëjë pagesën e ditëve të pushfrytëzuara të pushimit vjetor.

Kolegji i Këshillit lidhur me pranueshmërinë e ankesës së ankuseses, ka analizuar dispozitat ligjore të Ligjit Nr.05/L-031 për Procedurën e Përgjithshme Administrative, gjegjësisht nenin 98 paragrafin 1 dhe 2, ku përcaktohet se: "1. Procedura administrative nisur sipas kërkesës, do të përfundojë sa më shpejt që të jetë e mundur, por jo më vonë se sa afati i përcaktuar me ligj të veçantë për atë lloj procedure. 2. Në rast se ligji i veçantë nuk ka paraparë një afat, siç është paraparë në paragrafin 1 të këtij neni, afati i përgjithshëm i zbatueshëm për përfundimin e procedurës administrative është dyzetepesë (45) ditë nga fillimi i saj", si dhe nenin 127 paragrafi 1 dhe 4 i të njëjtët ligj ku përcaktohet se: "1. Ankesa duhet të parashtrohet brenda tridhjetë (30) ditëve nga data kur pala është njoftuar për aktin administrativ. 4. Ankesa kundrejt heshtjes administrative mund të parashtrohet jo më herët se shtatë (7) ditë dhe jo më vonë se dy (2) muaj pas skadimit të afatit për njoftimin e aktit administrativ", ndërlidhur me këtë, Kolegji i Këshillit në bazë të shkresave të lëndës si dhe konstatimeve të dhëna si më lartë në arsyetimin e këtij vendimi, konstaton se ankesa e ankuesit e datës 21.04.2026 e parashtruar në Këshillin e Pavarur Mbikëqyrës për Shërbimin Civil të Kosovës është e parakohshme, ngase e njëjta është parashtruar në kundërshtim me nenin 127 paragrafi 4 të Ligjit Nr.05/L-031 për Procedurën e Përgjithshme Administrative, pasi që institucioni punëdhënës lidhur me kërkesën e ankuesit të datës 13.03.2025 ende nuk kishte vendosur apo nuk ka nxjerrë akt administrativ përpara se ankuesi të parashtrojë ankesë në Këshillin e Pavarur Mbikëqyrës për Shërbimin Civil të Kosovës, sikurse që nuk është përmbushur as kriteri kohor ndërlidhur me heshtjen administrative, pasi që institucioni punëdhënës sipas dispozitave të lartcekura ligjore ka afat kohor prej katër dhjetë e pesë (45) ditësh, për trajtimin e kërkesës së ankuesit të datës 13.03.2025, ndërsa ankuesi ankesën në Këshillin e Pavarur Mbikëqyrës për Shërbimin Civil të Kosovës, e ka parashtruar me datë 21.04.2026 apo në ditën e katër dhjetë (40) pas parashtrimit të kërkesës së datës 13.03.2026, nga rrjedh se ankuesi nuk e ka respektuar apo prit përmbushjen e parakushtit ligjor për heshtje administrative, të përcaktuar sipas dispozitave të Ligjit Nr. 05/L031 për Procedurën e Përgjithshme Administrative.

Andaj, Kolegji për Shqyrtimi dhe Vendosjen e Ankesave, nga konstatimet si më lartë, konstaton se ankesa e ankuesit e parashtruar në Këshillin e Pavarur Mbikëqyrës për Shërbimin Civil të Kosovës me datë 21.04.2026 është parashtruar në kundërshtim me nenin 127 paragrafi 4 të Ligjit Nr.05/L-031 për Procedurën e Përgjithshme Administrative, e si e tillë nuk plotëson kushtin e nevojshëm të pranueshmërisë së ankesës në kuptim të nenit 129 paragrafi 1 nën paragrafi 1.3 të Nr.05/L-031 për Procedurën e Përgjithshme Administrative ku përcaktohet se: "Ankesa është e pranueshme nëse i plotëson këto kushte: 1.3. ajo është parashtruar brenda afatit të parashikuar nga neni 127 i këtij ligji".

Në kontekst të mbrojtjes së të drejtave nga marrëdhënia e punës, Kolegji thekson faktin se hedhja poshtë e ankesës A.nr.457/2026, nuk nënkupton mohimin e së drejtës së ankuesit që i njëjti serish të parashtrojë ankesë në Këshillin e Pavarur Mbikëqyrës për Shërbimin Civil të Kosovës, brenda afateve ligjore, të parapara me dispozitat ligjore si më sipër.

Andaj, pas analizimit dhe vlerësimit të të gjitha shkresave të lëndës si dhe duke u bazuar nenin 6 paragrafi 1, nën paragrafi 1.1 dhe nenin 18 paragrafi 1 nën paragrafi 1.7 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Kolegji vendosi si në dispozitiv të këtij Vendimi.

Ky vendimi hyn në fuqi ditën e nënshkrimit nga Kryetari i Kolegjit.

Këshillë Juridike: Kundër vendimit të Këshillit, pala e pakënaqur mund të iniciojë konflikt administrativ në Gjykatën Administrative në Prishtinë- Departamenti për Konteste të Punës, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda:A.nr.457/2026, më datë 20/05/2026

Avdyl BEKTESHI

Procesmbajtës

Arben MEHMETI

Kryetari i Kolegjit

Vendimi i dorëzohet:

- Ankuesit R.G;
- Udhëheqësit të Njesisë së Burimeve Njerëzore në MPB dhe;
- Arkivit të KPMSHCK-së.